

興山縣志卷之貳

建置志



城郭

昔黃帝爲五城鯀造郭以守民城郭於是乎肇越在荆楚方城漢水固一時雄圖也興區區邑背山面河有明以來築鑿相繼設險守國義固然矣我

朝金甌鞏固則又恃眾志之孚而非盡重閉之險云城周三百三十四丈崇一丈門三東曰迎恩南曰

興山縣志

卷二 城郭

一

觀瀾西曰來遠

按今城門東曰開泰南曰迎薰西曰望山
明

宏治初知縣劉孜倚山造堡週環二里許立三門水漲久圯僅存門址

正德間知縣譚溥胡安葉槐繼修

嘉靖九年知縣李庭實因北山麓增築土城礮石爲基添設北門山水屢漲旋築旋領

按北門今無

國朝

康熙十年知縣胥遇重修後圯僅存門趾

嘉慶九年宜昌知府謝登雋督知縣張曰瑞估築

石城週圍五百二十二丈

以上通志

咸豐初北城圯九年知縣文齡重修城堞及西門
城樓

同治三年南城基址爲水所齧知縣伍繼勛捐廉
培脩

附街道

興山縣志

卷二 城郭

二

縣前街

賈家巷

觀瀾門街

謝家巷

西關街

陳家巷

東關街

附溝渠

城中溝渠有四一開泰門內古井水流注東門橋
過東關街繞城隍廟左土地祠轉入陳家巷抵
城牆西流出迎薰門一學宮後清泉流入泮池
穿過鬢牆西經文昌宮前會縣署陰溝水轉入

謝家巷注城根出迎薰門一北山水洞水流注
西關橋繞貞女祠傍過賈家巷抵城牆又緣城
過左營游擊署照牆外經南門街會東溝泮池
水出迎薰門外同流入香溪一書院以西溝水
由西關街過守備署至望山門外由山溝轉流
入香溪其東關外水道由北山溝水入於河此
城中溝渠大畧也山水衝突久則閉塞是在守
斯土者時加疏濬爾

國朝

興山縣志

卷二

城郭

三

嘉慶二十二年知縣福舒大疏城中溝渠

二十四年署縣事李炘捐修東關外水道引北山
水入河有記

建置志

公署

古者百司庶府皆有治事之地其非肅堂階飾觀瞻之謂側其中者入而退食出而聽政必能計過無憾焉兵火迭經灰燼殆遍相彼小人皆有闔廬以蔽風雨臨民者獨奈何露處其間

知縣署在羅經山前明宏治初建後燬

通志

明

宏治間知縣譚溥建萬厯間知縣曠驥改建有記

興山縣志

卷二 公署

四

國朝

康熙三年知縣胥遇建立門樓一間茅堂三間書房二間住房五間

康熙二十年知縣王熙隆建頭門二門知縣孫錦孫泰相繼建修大堂二堂

乾隆初知縣張光裕重修

自六科房改倉後吏胥俱僦屋辦事乾隆十三年六月知縣黃宮於儀門外左建吏舍三間爲繕

寫公所

以上舊志

嘉慶九年知縣張曰瑞補葺

咸豐七年正月寇燬現擬諭集邑紳聚貲重脩
教諭署在學宮內

明

宏治間知縣譚溥建在東關外

正德時知縣陳珍移建縣署東推官陸鰲重修

國朝

康熙十一年知縣胥遇王熙隆相繼修

三十六年知縣姜元春重修

興山縣志

卷二 公署

五

乾隆十二年知縣黃宮重修明倫堂嘉慶初燬於
教匪

嘉慶十二年教諭張楷重脩明倫堂

道光三年教諭胡觀岱重脩頭門

道光十八年教諭朱命基於後宅右葺茅屋一間
教諭鄧承先易以瓦

咸豐七年燬於寇九年教諭范德煒補葺明倫堂
重建役宅三間又於明倫北創建講堂三間有

記

訓道署在明倫堂右 舊志

國朝

乾隆初訓導王之際於節義祠後建住房三間久廢

巡檢署在高雞砦今廢

典史署在縣署右典史嚴發建 舊志

道光二十七年典史徐焯重修

咸豐七年正月襄匪入城燬於火

游擊署在縣署西守備署西關內嘉慶初游擊常

興山縣志

卷二 公署

六

德守備馬安堃請帑修建

咸豐七年賊燬僅有存者

千總把總署在各汛久廢

陰陽學在來遠門內舊制門樓一座正廳三間住

房三間左右廟房二間久廢 舊志

公館在來遠門內舊制大門三間二門一座正堂

三間左右廂房四間後堂三間左右房二間廚

房三間久廢 舊志

接官亭縣南五里舊制八角亭一座久廢 舊志

演武廳在東關外今廢

火藥局在厲壇東

縣監在捕署前

寅賓館在縣署頭門內左明知縣曠驥建今廢

建置志

郵舖

為政有置郵猶身體有血脈也血脈注而肢體
仁置郵速而政令一邑非孔道騎置闕焉然郵
亭書舍按里碁布簡書之役可計日達也東南
一尉西北一候詎非

聖天子暨訖之廣而亦昕夕從公者所必慎歟

興山縣共三舖設舖兵七名內永充二名募充五

名通志

興山縣志

卷二 郵舖

八

縣前舖

舖兵三名

縣南一里舊制門樓一座正房

三間久廢

平邑舖

舖兵二名

縣南二十里舊制門樓一座正

廳三間左右廂房二間後房三間久廢

屈家舖

舖兵二名

縣南四十里舊制門樓一座正

廳三間左右廂房二間後房三間久廢

以上舊志

屈家舖南二十里至歸州譚家舖

按興邑僻處山陬非舟車要衝可比惟縣南

接壤歸州為赴郡出入孔道舊制舖遞三處

以之傳政教速置郵足矣若夫疆域之遠近
防守之疎密則鄉甲營汛載之詳焉茲不復
贅

建置志

營汛

萬山叢起谿谷險峻草澤之雄者竊據其間不啻鄭之萑苻也我

朝疆輿奠定分兵置守復遣邏卒散布要隘備禦不虞

德威所暨險阻皆蕩平矣備列軍制以誌山防

兵制

漢興置材官於郡國而京師有南北軍之屯其兵

興山縣志

卷二 營汛

十

又更調於民間不以出征而民兵散在郡國有事則羽檄召以備軍旅罷則勸以農桑兵民未分尙有古井田之遺

置都尉專主兵事

建武六年罷郡國都尉并置太守

三國蜀秭歸以太守督軍民事

吳置督置監晉泰始二年建平太守請增建平兵不從

按秭歸吳置太清鎮以塞山蠻寇掠之衝

晉廢州郡大都置武吏百人小都五十人故其先盜賊起而州不能制其後遂特重州鎮

南北朝刺史任重者多使持節都督某州事

隋制因後周之舊諸府兵有郎將副將坊主團主以相統治罷州置郡舊有兵處則刺史帶諸軍事以統之復別置都尉領兵與郡不相知

唐分天下爲十道置府兵六百二十四關內二百六十一上中下有差統練有法更代有時總以折衝無事將居於朝兵居於府力耕以足食有

事則下符契刺史與折衝勘契乃發兵後其法浸壞衛士稍稍亡匿張說乃請一切募士宿衛號長從宿衛號曰曠騎

兵之戍邊者大曰軍小曰守捉曰城鎮曰戍總之者曰道上鎮置將一人副二人中下鎮將副各一兵曹參軍事一上戍置主副各一中下置戍主俱掌防捍守禦兵曹掌防人名帳戎器管鑰馬鑰諸事肅宗至德二載置荆南節度使治荆州領夔峽等十州乾元復以歸峽等五州隸夔

宋時荆湘路歸峽二州設指揮各一

高宗建炎四年於荆南府歸峽州荆門公安軍置鎮撫使

宋兵制有禁兵太祖建隆初詔諸州長吏選所部送都下以補禁軍之闕又選強壯卒定爲兵樣分送諸道其後代以木梃爲高下之等散給諸州軍委長吏都監等召募教習俟其精練郎送闕下太宗淳化四年選川峽威棹克甯兵送京師者立爲川效忠又立爲川忠節仁宗康定初

荆湖諸路各募宣毅大州二營小州一營皇祐二年川峽增置甯遠五年荆湖諸路置教閱忠節州一營大州五百人小州三百人景祐間募川峽流民增置效勇神宗熙甯初更制爲將兵於諸路分置將副以所將兵多寡置部將隊將押隊使臣及訓練等官紹聖間樞臣復禁州縣官不得預軍政於是一無關預兵愈驕不可用矣

廂兵分給役使於諸州內總於待衛司建隆初選

諸州壯勇送京備禁衛餘留本城給役建隆後
荆湖路江陵歸峽有威棹軍水軍熙寧後荆湖
路騎軍步軍并改號曰宣節江陵歸峽威棹及
水軍仍隸焉

鄉兵選於戶籍或應募訓練所在防守荆湖路義
軍土丁弩手不見創置之始其後荆湖歸峽等
州亦置番戍諸砦或以歲以季以月上番人給
口糧有功遷補自都副指使以下歲給緜袍衣
食錢都頭以上卒有廩給

元世祖內立五衛以總宿衛外則萬戶之下立總
北百戶之下置彈制生權密以總之
明守禦千戶所千戶百戶鎮撫隸湖廣都指揮使
司

洪武十三年改大都督爲五分統諸軍司衛所
兵曰京兵曰腹內衛所兵曰邊兵京兵之制卽漢
之南北軍唐府兵之遺腹內衛所兵者捍禦各
邊卽漢募民實塞下之制

隆慶四年興山縣設有高雞寨巡檢係自金竹坪

移駐

按舊志縣東北一百里有高雞寨崇山峻嶺地境遼闊且距縣最遠舊有巡司一員弓兵三十名緝捕盜賊盤詰奸宄兼治附近居民雀角之事

國朝順治十三年設彝陵鎮乾隆元年改稱宜昌鎮節制一協七營管轄十八州縣興山隸焉

左營原額兵丁一千名舊駐彝陵州城於康熙十八年荆後鎮改歸彝陵移本營分駐興山縣兵

興山縣志

卷二 營汛

十四

額歷經裁汰現在實存五百零六名 東湖志

順治十四年設立原額經制官八員內遊擊一員守備一員千總二員把總四員兵丁一千駐彝陵州將本營分駐興山

康熙二十三年裁去兵三百名又於本年內分撥本標後營兵七十五名三十五年撥往古北口二十四名四十五年撥往鎮筵鎮兵十四名雍正七年爲密陳改土歸流事撥往宜都營把總一員撥往永順協兵三十名八年撥補馬兵一

名戰兵三名守兵十名十三年撥往衛昌營兵六十五名九年調中左右三營兵一百赴陝西隨征青海於十三年凱旋值容美土司改設州縣右營抽調不敷於左營撥六十五名歸右營管轄以足定額其中營左右二司減汛二處前後二司塘汛撥歸左營管轄

乾隆八年撥往宜都營馬兵二名該營退還戰兵一名守兵一名實在官七員兵五百零六名內馬戰十五名又於雍正七年奉文於馬兵內設

外委千把總四員 乾隆九年奉文將外委把總造入經制外委千把總項下不須列於兵丁項下實在馬兵四十六名戰兵八十一名守兵三百七十五名共五百零二名十八年奉文裁退各官養廉八十七名各省添兵營分應添額外外委以資管束本營准於馬兵內考拔額外一員協同經制千把外委一體辦理營伍事各補實兵一百名內馬兵八名戰兵三十六名守兵五十六名俱須挑補足數

道光四年撥往安陸營兵四名十二年裁往新疆
兵十名現在額經制兵內除外委千把總四員
額外一員實存馬步戰守兵五百名內馬兵五
十二名戰兵弓箭二十八名鎗手三十一名籐
牌三名刷刀五名守兵除書識二十一名實在
弓箭六十一名鎗手二百一十四名籐牌三十
二名礮手三十一名刷刀二十二名
自道光二十三年訖咸豐七年八年歷經裁撥實
存兵四百五十名

同治四年共計馬步戰守兵四百五十五名內有
馬戰兵五十二名內除外委一員額外一員實
在弓箭馬兵四十七名無馬戰兵六十一名內
弓箭二十六名鎗手二十七名籐牌三名刷刀
五名守兵三百四十二名內除書識二十一名
實在守兵三百二十一名內弓箭五十五名鎗
手一百九十一名籐牌二十八名礮手二十八
名刷刀一十九名實在馬步戰守兵四百二十
九名

按左哨分防東湖十三塘兵七十二名興山
存兵三百五十七名分防陸塘三十處

每年正月開印後開操十二月封操每月操演各
兵技藝鎗礮兵按一四七日操演弓箭兵按二
五八日操演籐牌兵按三六九日操演逢十合
操遵照頒發號令督率照演以期精練遇陰雨
在公所地方分派演習如有差假仍行補操

饗項

游擊每年支五成俸薪銀一百一十五兩六錢六

興山縣志

卷二

營汛

十七

分九釐五成養廉銀二百兩

守備每年支五成俸薪銀四十五兩三錢五分二
釐零五成養廉銀一百兩

千總每年支五成俸薪銀二十四兩五成養廉銀
六十兩兩員共銀一百六十八兩

把總每年支五成俸薪銀十八兩五成養廉銀四
十五兩三員共銀一百三十五兩

以上除閏月

經制外委千把總每年支五成馬餉銀十三兩五
成養廉銀九兩米三石九斗四員共銀八十八

兩米十五石六斗

額外外委每年支五成馬餉銀十三兩米三石九斗

世襲雲騎尉一員支五成俸薪銀五兩

年未及歲世襲雲騎尉二員支五成半俸薪銀二十一兩二錢五分兩員共銀四十二兩五錢
有馬戰兵四十七名每名支五成馬餉銀十三兩
米三石九斗共銀六百一十一兩米一百八十
三石三斗

無馬戰兵六十一名每名支五成餉銀九兩七錢
五分米三石九斗共銀五百九十四兩七錢五
分米二百三十七石九斗

守兵三百四十二名每名支五成餉銀六兩五錢
米三石九斗共銀二千二百二十三兩米一千
三百三十三石八斗

操坐馬五十五匹冬春支五成銀折乾銀三兩六
錢共銀一百九十八兩夏秋支折乾銀一兩七
錢五分共銀九十六兩二錢五分

以上歲需五成俸廉餉乾銀四千七百二十七兩零二分二釐零米一千七百七十四石五斗

一官兵俸餉養廉由中營兩季赴司請領本營分領回營存貯興山縣庫內按季移取會同文員支放

一兵米四季全支折色每石折銀俱由中營在糧道請領回營分領存貯興山縣庫內按季同餉支放

一本營奉文請領公費銀二百七十八兩每年動用藥鉛開操迎喜神霜降買辦祭物等項冊報開銷

一額設經制營操馬五十七匹每匹草乾銀一十兩零二錢每年例報倒馬以三分計算共報倒馬一十七匹每匹價銀一十四兩共銀二百三十八兩除買補外并無贏餘本營操馬自乾隆七年奉文每年司庫請領隨倒隨補

以上查案

軍器

一軍裝庫一切軍裝器械白嘉慶初年至道光末
逐年詳請製造漸就全備自粵匪倡亂出師廣
東浙江崇陽江蘇咸豐元年出師粵西兵一百
名三年三月出師湖南衡州兵三名二年五月
出師楊林磯兵一百名八月出師武昌兵一百
名三年四月出師武昌兵七十五名六月出師
省城防堵兵一百名四年十二月調赴武昌防
堵疊次配帶烽燧遺失潮濕霉毀多已無有其
贏餘器械咸豐七年正月襄匪入寇焚燬無存

興山縣志

卷二 營汛

二十

現在庫中存烏鎗二百一十一桿出師施南遺

擡鎗十四桿遺失舊存臺鎗二桿遺失修整烏

鎗三十五桿損壞臺砲四位殘缺劈山砲一位

籐牌十六面海螺五個破帳房六籠破綳子二

個刷刀十五把長矛四桿

火藥局額貯三年火藥四千一百二十一觔六

兩四錢七分三釐鉛彈四千一百二十一觔六

兩四錢七分三釐自咸豐元年至四年陸續出

師配帶無存同治三年奉撥火藥二千一百四

十七觔八兩鉛彈一千一百二十九觔內除赴
施南襄陽長陽兵火藥一千九百七十一觔鉛
彈九百觔四年墊造七成操藥一千三百二十
八觔十五兩二錢五分六釐買補藥鉛五百六
十九觔八兩八錢二分四釐內除兵丁操用火
藥八百四十三觔十二兩四錢八分鉛彈二百
五十三觔二兩一錢四分四釐實貯備防火藥
一千一百七十六觔八兩鉛彈二千二百二十
九觔實存操藥四百八十五觔二兩七錢七分

一救火軍器咸豐七年被燬

一守禦軍械縣城建卡房三處又分布塘房東湖

興山共四十三處每處大小木牌二面木架一

座木棍五根長矛二桿鈎鏟二桿又每塘設旗

一面牛角一個會哨旗一面

一馬匹原額官例馬二十四匹內遊擊六匹守備四

匹千總共四匹把總共六匹馬兵馬三十四騎

操官馬五十二匹陸續倒斃因庫欸支絀未經

請獲馬價無從買補歸額現在存操馬三十五匹
以上查案

塘汛

國初流寇甫平 塘汛三十三處今存二十九處

舊志

額設旱塘二十七處雍正二年添旱塘六處共三十三處嗣因汛廣兵譁將縣屬之龍王廟深渡河相坪三處呈請撤減現設塘汛三十處

按東湖縣屬之普溪一十五塘歸併本營防守嗣因汛廣將南村小峯二塘同時撤減內

興山縣志

卷二 營汛

二十二

駐左哨千總一員帶領汛兵七十二名除分防各汛六十三名外實存汛兵九名左哨左司把總一員駐下坪塘盤緝奸宄遞送公文每月帶兵二名與右司把總在交界鵝鴨池會巡

防守興山縣城東西南三門宜昌左營千總率領遊巡馬步戰守兵十六名兼防北路駐古洞口駐防興山古洞口嘉慶九年移駐豐邑坪宜昌左營石哨千總一員帶領兵四十四名除分防外

實存戰兵一名守兵九名分防北路陸塘五處
未有官署佃屋居住

麥倉口今改三溪河守兵五名距縣城七十里
距豐邑坪七十里

平水河守兵七名距縣城六十里距豐邑坪四
十里距貓兒關四十里

七脚坪今改長坊河守兵七名距縣城一百二
十里距三溪河一百二十里

貓兒關守兵八名分防後司外委把總一員設

興山縣志

卷二 營汛

二三

有汛署協辦塘汛營務距縣城一百里距獅子
埡四十里

獅子埡守兵七名距縣城一百六十里二十里
至房縣汛

駐防興山縣竹谿塘宜昌左哨左司把總帶領兵
二十六名除分防外實存守兵十名分防南路
陸塘五處設有汛署

平邑口守兵四名距縣城十五里十五里至竹
溪墓

塘坪守兵三名距縣城三十里十五里至竹溪墓十五里至屈家鋪

屈家鋪守兵三名距縣城四十里十五里至賈家店

賈家店守兵三名左司外委千總一員協辦塘汛事務設有汛署距縣城五十里十五里至歸州香溪

香溪守兵三名距縣城九十里

駐防興山青林埡宜昌左營左哨右司把總一員

興山縣志

卷二 營汛

二十四

帶領戰守兵五十六名除分防外實存戰兵二名守兵八名分防東路陸塘十處設有汛署白菓園守兵四名距縣城一百四十里接東湖界

土地埡守兵四名距縣城十五里十五里至黃連坪

黃連坪守兵五名距縣城三十里三十里至李家店

夏陽河守兵四名距縣城九十里

段樹埡守兵四名距縣城七十里

界嶺守兵七名距縣城一百二十里與東湖觀音堂交界

李家店守兵四名距縣城七十五里十五里至石佛寺

石佛寺守兵四名距縣城九十里三十里至後界坪

張關店守兵五名分防外委把總一員設有汛署協辦塘汛事務距縣城一百三十里接保康

界

後界坪守兵五名距縣城一百二十里

駐防興山關口埡宜昌左營右哨前司把總一員帶領戰守兵四十四名除分防外實存戰兵一名守兵九名分防西路陸塘六處設有汛署
白沙河守兵四名距縣城十五里十五里至南陽河

南陽河戰兵一名守兵四名距縣城三十里十五里至七連坪

七連坪戰兵一名守兵四名距縣城六十里三十里至洞頭溝

黃龍山今改洞頭溝守兵七名距縣城六十里三十里至龍門河

茅麓山今改龍門河守兵七名距縣城九十里三十里至後營

烟墩埡守兵六名距縣城六十里十五里至歸州

道里

本營距省陸路一千二百三十里水路一千四百里距荆城守水司二營水路七百二十里陸路六百三十里距宜昌鎮標中前二營水路三百一十里陸路二百六十里距穀城陸路六百八十里距施南協陸路四百三十里距衛昌營陸路八百八十二里距宜都營水路四百一十里陸路四百五十里距遠安營陸路四百三十里距本標後營陸路一百一十二里其左營接連隣汛四至東至小溪塘交界二百九十里南至

本標後營香溪塘交界九十里西至本標後營
龔家橋交界七十五里北至房縣鄖陽鎮左營
博磨坪交界一百九十里東北至保康鄖陽鎮
右營野豬洞交界一百九十里

建置志

津梁

夫一水中流萬山東之其勢必近且險行旅頓
足可勝慮哉邑多好義士道路橋梁在在皆具
然木石之工不數十年固耳廢不復修得毋委
罪主者乎行仁政而民不病涉吾聞之子輿氏
縣河渡咸豐四年知縣黃德薰率邑紳公設
嚮灘渡城西五里深渡南陽二溪合流之所西達
歸巴南通鄭襄行旅往來必由之路咸豐四年

興山縣志

卷二 津梁

廿十八

知縣黃德薰率邑紳置

南陽河渡縣西三十里咸豐八年設

相坪河渡縣西六十五里咸豐八年邑紳李之毅

倡設

北斗坪渡縣西北四十里咸豐八年設

鄭家坪渡縣西北六十里咸豐十年設

麥倉口渡縣西北三十里同治二年置

游家河渡縣南四十五里咸豐五年設

當陽河渡縣西一百六十里咸豐七年設

大峽口渡縣南四十里咸豐六年設

鄭家河渡縣西北五十五里咸豐八年設

四湘溪渡縣南二十五里咸豐九年設

西關橋明知縣曠驥建

東關橋明知縣曠驥建

三里橋在縣東門外彈子溪康熙初知縣阮國璋

建今廢

古渡橋明知縣蒙文伯建久廢

深渡橋明知縣鄒守謙建久廢

興山縣志

卷二 津梁

二九

竹溪橋在縣南二十五里明知縣鄒守謙建久廢

咸豐元年邑紳吳善興倡捐復設

梁村橋康熙二年官軍臨境爲轉饟要道彝陵刺

史徐萬年奉檄脩建未彌月山水衝圯知縣胥

遇重脩今廢 以上各橋見通志及舊志

疎村橋在縣西康熙三年署本縣令王堯祚建今

廢

長壽橋縣東三十里累石爲之高數仞長五丈餘

闊丈許明建

三堆橋在縣西同治四年邑人楊瑚倡建

瓦屋場橋同治四年建

水月寺橋縣東一百二十里

七里橋縣東北四十里

老水橋在縣東青華觀下邑人余彩璧倡建

清溪橋在縣西境

柳溪橋城南三里春時楊柳成陰水痕皺綠可供脩禊

附雜置

興山縣志

卷二 津梁

三十

養濟院在西關外舊制土墻一周瓦屋五間久廢向額孤貧九名同治三年知縣伍繼勛捐廣二名

育嬰堂在南關內久廢向無經費現擬勸諭紳耆斂貲復設

義塚

黃連坪

屈家鋪

羅經山

南陽河

平邑口 以上五處見通志

嚮灘

游家河

放生池在白衣菴前咸豐三年知縣黃德薰率邑

紳建

公善堂咸豐三年官紳籌款公設置買水旱田二分餘貲當田生息以歲入作縣河兩義渡并脩理道路施送棺木藥丸歲稔平糴經費局設

興山縣志

卷二 津梁

三一

文昌宮現擬另建

其田坐落黃糧坪後灣中壩一段上齊閻王鼻子二尖向左橫過垵中抵王同祥旱地爲界左齊垵中嶺直下水溝由水溝直上左邊子嶺栽石由子嶺崙坎直下水田角抵魏姓地界下齊水溝田角向右由石練直上子嶺中抵張姓旱地爲界右齊子嶺中由張姓萬姓界上閻王鼻子二尖爲圓一段共十五坵其界上齊萬世春水田外次根向左橫過大溝中抵王姓界左齊大

溝中直下抵韓姓水田頭爲界下齊韓姓水田
內坎根橫過抵萬姓界右齊萬姓水田頭爲界
直上抵萬姓水田外坎根爲圓

一坐落響灘坡一段自楊柳樹小溝抵劉正秀地
界由小溝直上橫腰路曲尺往北橫過向東抵
劉大福地界直上團坳順嶺至山尖長嶺向西
抵熊姓駝埡向北由嶺灣曲直下滑石板雙溝
口順大溝直下楊柳樹小溝爲界一段東自河
邊小溝直上水田外坎往南橫過抵譚姓地界

順嶺直上團坳西自河邊抵劉正春水田角直
上順嶺抵劉大福園圃外坎曲尺向東橫過抵
劉大明園圃角直上稻場外坎曲尺往西抵劉
正春稻場角直上小嶺順嶺直上團坳上齊團
坳下齊河心東抵劉正春水田角西抵大溝中
心爲界

建置志

場市

日中爲市致天下之民聚天下之貨交易而退民甚便也興僻在一隅山氓三五相聚間出餘粟餘布通易有無非有舫穀都會耳然平物價息爭訟禁奇袤有民者獨無責哉

草店市集在縣東關

冷市集在縣西關外以上通志

按邑城舊無水患附郭烟戶頗稱繁盛近則

興山縣志

卷二 場市

三十三

沙石淤塞河身漸高山水驟漲動憂衝圯居民稍稍散處若草店冷市諸集不過寥寥數家而已

水月寺市縣東一百二十里爲縣城赴郡陸路通衢

界牌埡市縣東北六十里舊有場頗繁盛今已不如昔矣

游家河市縣南四十五里爲香溪至縣往來通衢嘉慶李客商雲集爲一邑最今漸就寥落服賈

者亦稀矣

騾馬店市縣西四里曩房保二竹由巫山運鹽騾馬往來日夜喧闐不息近者河水衝圮人烟亦復寥落

嚮灘市縣西五里南陽深渡二水會流可集商舶西北山產樹雞芋栗之屬販售於此蓋邑之菁華聚焉

鄒家嶺市縣西四十里冬月貿易甚夥爲西北鄉最

興山縣志

卷二 場市

三四

鄭家坪市縣西五十五里地產藥材芋粉客商爭集焉

公坪市縣北八十里以三六九爲熱場至期四境民雲集

板廟市縣北一百三十里以一四七爲熱場貿易亦夥

榛子嶺市縣北一百二十里以二五八爲熱場至期甚盛

黃連坪甫縣東三十里烟戶甚繁

按府志載有古洞口市南陽河市相坪河市
今其地寥寥數家非人烟聚會之處且不便
通衢故從畧焉

興山縣志

卷二
場市

三五

建置志

冢墓

追甄墟墓盛王編爲教令亦猶褒賢崇德意也
邑名流接踵乃遺芳餘烈奮乎百世而墳塋翳
然飄薄無所感遠存往彌用慨然爰志可考者
於篇庶解佩劍者仁想徐君游九京者流連隨
會豈僅塞草獨青動人憑弔已哉

周熊繹墓

在歸州秭歸縣 括地志

興山縣志

卷二 冢墓

三六

按墓今不可考

宋狀元夔谷珍墓

在縣西三十五里舊有碑誌頃爲山水衝圯漸

就蕪沒 舊志

明誥贈武顯將軍唐皋墓

在縣西三十五里豐碑屹立惟字蹟漫滅不可

識認

明敕贈奉直大夫金生芝墓

在縣南二里天啟元年葬

明知州姚順民墓

在縣東十二里姚家溝

明雲南知府金可教墓

在縣南二十里金家灣

明處士彭可成墓

在縣南三十里坵坪

明敕授修職郎文煥然墓

在縣南文家山碑高四尺晶瑩如鏡

國朝戶部主事葉玉衡墓

興山縣志

卷二 冢墓

三十七

在縣北一百二十里卦字山

國朝招遠將軍張國典墓

在羅經山麓縣西北一里康熙十八年葬

古君子墓

在夏陽河縣東九十里

竹溪墓

在縣南三十里墓在溪側其人與時代均不可

考

三賢墓

在縣東火石嶺相傳馬氏昆季三人葬此年代
無考

附坊表

狀元坊在縣前爲狀元復谷珍立久廢

司諫坊在西關街爲給事中秦璟立久廢

科第二坊在 文廟左右爲歷年科第題名之所

今廢

節孝坊在縣南一里爲節孝婦陳舒氏立

百歲坊在縣東關橋爲邑人魯國棟立今廢

建置志

寺觀

名山勝域大半爲髡而緇者處豈獨興然興之
氓重利戒糜費縱觀境內諸禪宮梵宇皆寥落
不甚整飭有摩頂重趺持募疏至者輒拒弗納
彼其情非必知屏異端黜淫祀然以視塗膏釁
血極土木之華藉爲求福資者甯無間焉

廣濟寺在縣西一里

按廣濟寺今廢

興山縣志

卷二 寺觀

三九

石佛寺縣東北九十里

水月院縣北八十里院有池無陰晴月影長現

興

地紀勝

按水月院今名水月寺縣東一百二十里寺
旁山上有磚墪天順庚辰建

玉虛觀在興山縣東香溪側唐天寶中建有明皇

御賜題額 寰宇記

按玉虛觀今在歸州境

回龍觀在縣北

按今名回龍寺縣北八十里左右有二龍洞
禱雨輒應旁有石人高二丈如刻劃成者

泰山廟縣西七里

以上通志

女嬃廟在縣南水經注原宅東北六十里有女嬃
廟

按廟今不可考

東寺在縣治東關久廢

準提菴治東關外久廢

觀音菴治東關外久廢

興山縣志

卷二 寺觀

四十

西寺在縣治西關久廢

百子菴治西關外舊廢今復

按今名白衣菴明知府金可教建附郭寺宇
頗少惟菴踞羅經山麓烟巒秀出殿宇幽敞
每拾翠良辰登高佳會游人胥憩於此

玉皇閣治南關外久廢

平昇寺縣西十五里久廢

老君觀在老君山縣西一百二十里旁有老君足

跡今廢

天台觀縣西六十里

磨坪菴縣東六十里邑民舒文信建并同貢生舒敬各捐田爲香火資

洪山寺縣東六十里舊在建陽溪傍溪水泛漲廊宇傾圯明崇禎間邑人文煥然遷於山麓寺前有古柞高百尺圍丈許幹葉長青碧蔭左右

玉帝觀縣北五十里久廢

雙龍觀縣北五十里康熙二年提督董學禮破李來亨於此

興山縣志

卷二 寺觀

四一

北廟縣北五十里

朝天觀縣北六十里久廢

五通廟縣北六十里

五童廟縣西二十里

夏陽廟縣東六十里明天順時敕脩

下元寺縣北八十里山水紆迴松栢蒼蔚非晨鍾暮鼓莫知其間有僧寮也

紅山廟縣北四十里

玉清觀縣北八十里久廢

普安寺縣南三十里明嘉靖時建

泰山廟縣南四十里枕阜臨溪幽邃宏敞頗稱勝

境邑人龔大惠建

以上舊志

奎星閣本昭君臺故址咸豐五年知縣黃德薰率邑紳建七年寇燬

女媧廟在仙侶山縣東三十里久廢咸豐八年蝗入境土人夢神告曰吾女媧也當爲汝殄之蝗果盡因卽舊址立廟祀焉

觀音廟縣東磨盤山頂山高十餘里明時樓閣如

興山縣志

卷二 寺觀

四二

雲今存禪房二間甚幽敞遊者恒不絕迹

青華觀縣東十里一峯聳立觀居其上遙望城南諸山若遠若近境地稱勝明時建 國朝初知

縣阮典史季捐有香火田乾隆二十七年知縣李鍾翰教諭嚴仕佩典史高凌岳重建觀內廢鍾字半侵蝕文曰大明國湖□荊州府歸州興山縣平永鄉水磨河南岸上□居□僧善黃相同室柳氏見有古剎朽壞無人修供□相另遷□□一所至萬歷三十八年四月初八日□

□建寺前後二殿已完又擇□□造神像二
十三尊兩殿□□四十一年正月十五日以
三□□□□□劫扁三教寺所造供器□□□
仕□□□全在信日□香燈□□□□□□□
洪鐘□□□□□□□□列姓氏□□

滴水觀縣東南五十里在建陽峽石壁上中有石
潭水清泚異常

按今日鎮峰寺倚巖建廟俯臨溪水遠瞻疊
嶂凭欄四望飄乎若步虛矣

興山縣志

卷二 寺觀

四三

朝陽觀縣西四十里明末建

迴龍觀縣東十二里在青龍山麓

關帝廟在鄒家嶺縣西四十里咸豐七年邑紳建
祠宇壯麗爲一邑之冠

歸興寺縣南五十里接歸州界

二郎廟縣東北五十里

盤古廟縣北三十五里

衆佛寺縣東北四十里

石柱觀在縣東夏陽河上千雲霄撐空聳翠二水

迴環極爲勝覽中有古栢森森高百仞大十圍
四時長青枝葉如蓋

三台觀縣西六十里元時建

高坪觀縣西七十里明建

向月寺縣西五十五里明時建高九重今漸就頽
廢僅存敝蕝數間而已